

چال آشیق، چال؛
قوی قان، اوره گیمده جوشسادا جوشسون
سحر اولسون، ایشیق اولسادا اولسون

چال آشیق، چال ...

کاظم علیزاده (آیدین)



بوراخین گئدیم، گونش گۆرسه نیر
اوزاقدان وطنین یانماسین گۆردوم
اؤلوم یاتاغینین تورپاغین اؤپدوم
آیریلیق گلدی، شارکیسین اؤتدوم

بوراخین گئدیم، گونش گۆرسه نیر
دوستلار سورونو بوراخدی گئتدی
قوردلار قوزونو تالادی گئتدی
بابکی، صمدی، گۆتوردو گئتدی

بوراخین گئدیم، گونش گۆرسه نیر
گون اولار، ظالمین دؤورو دؤنه جک
دمیر قاپیدا، تاختانی دؤیه جک
مظلوم اولوسوم صفاسین سوره جک

بوراخین گئدیم، گونش گۆرسه نیر
هر گلن گندهر، طالعی بودور
خالقینا اؤلسه، گئرچکی بولور
بوراخین گئدیم، یاخشی سی بودور

بوراخین گئدیم، گونش گۆرسه نیر ...

غفور - تورک اوغلو

چال آشیق



چال آشیق، چال؛
قوی یاتان بختیم اویانسین
دورسون یئنه ده، یاتسادا یاتسین

چال آشیق، چال؛
قوی آخان سئلرده دایانسین
باخسین یئنه ده، آخسادا آخسین

چال آشیق، چال؛
قوی دهده قورقودلار دا اویانسین
باخسین یئنه ده، یاتسادا یاتسین

چال آشیق، چال؛
قوی بابکلرده اویانسین
دورسون یئنه ده، قانه بویانسین

چال آشیق، چال؛
قوی سازلاردا اویانسین
یئنه قارمانلا دوروب چالسادا چالسین

چال آشیق، چال؛
قوی ساوالاندا اؤج آلسین
باش قاووزاییب داغلارلا ساواشسین

چال آشیق، چال؛
قوی بولبوللرده اویانسین
اوخوسون، مئشه لرده سس اوجالسین